

(钦定)平定七省方略

北京中国书店印行



欽定剿平捻匪方略卷二百八十 丁卯年

中央民族
學院圖書

六月初三日 乙酉 庫克吉泰喬松年奏言

渡渭河後不敢停留竄至興平一帶盤踞劉松
山與郭寶昌會商分道齊進郭寶昌行抵武功
正遇捻逆大股西竄出其不意迎頭奮擊該逆
大潰適劉松山亦由後路轉戰而至前後夾擊
又經馬隊包抄殲斃悍賊甚多該逆大股梟過

南岸竄入鄆縣大王鎮一帶希圖抗拒我軍乘勝連破曹家凹方家集等處賊巢並過河進攻大王鎮賊見我軍數路齊進蒼黃奔遁各軍縱橫衝擊擒斬悍賊數百人該逆仍由舊路回奔興平一帶據擒賊供稱張逆於五月初六日接仗時手腕受傷甚爲狼狽自度難以抵敵意將勾結回逆以圖再逞現在劉松山郭寶昌等皆

已跟追過河惟天氣奇熱士卒冒暑奔馳半皆
患病劉松山到興平後亦因受暑抱病甚重已
派員前往診視並囑其安心調理刻已得雨暑
氣略退臣等卽當督飭各軍相機進剿奏入

上命軍機大臣傳諭左宗棠庫克吉泰喬松年曰捻
逆由興平南竄鄠縣大王鎮經官軍迎擊該逆仍
由舊路回奔興平現在劉松山等軍均已過河躡

擊卽著庫克吉泰喬松年督飭各軍實力勦辦就地殲除毋令捻回勾結致辦理愈形棘手左宗棠此時計可行抵潼關著卽趕緊前進將該省軍情統籌全局妥爲調度

同日崇厚奏言據探捻逆大股盤踞章邱一帶另有分股由青州之臨朐縣竄出意圖東犯旋竄至萊州府掖縣之沙河鎮並拏獲奸細供稱

有欲就食東三府之語臣查煙臺爲海疆要地
商賈輻輳該逆旣入東府自必垂涎亟應設法
保衛現於津標挑選槍礮官兵共五百三十餘
員名隨帶開花礮二尊小開花礮四尊派參將
鄧啟元管帶於六月初一日由海道乘坐輪船
前赴煙臺嚴密防守

崇厚又奏言上年春閒捻匪竄撲黃河濮范壽

張一帶經濟東道衛榮光督飭兵勇力遏寇氛
河防穩固現在齊河以下武定府黃河一帶與
東三府處處接壤擒匪易於搶渡應請

飭下山東巡撫迅派該道親駐河干多調兵勇礮船
擇要嚴密扼守奏入

上命軍機大臣傳諭崇厚丁寶楨曰擒逆大股盤踞
章邱後已分股竄擾青萊有欲就食東三省之說

賊蹤飄忽異常亟應嚴密防範山東齊河以下武
定府黃河一帶與東三府壤地相接該匪易於搶
渡著丁寶楨派衛榮光進駐河干調撥兵勇礮船
擇要嚴防毋稍疏懈儻武定一路喫緊卽著崇厚
添派得力兵弁前往援剿以固河防近日捻蹤又
竄何處各路接仗情形若何尙未見丁寶楨奏到
著該撫隨時奏聞用慰廑系

初四日丙戌丁寶楨奏冒臣親督道員王成謙帶

領各員星夜由鄒平長山閒道疾馳一百四十
餘里繞出臨淄以備迎截詎五月二十四日行
抵金嶺鎮距臨淄三十餘里探報捻逆已於二
十三日由高苑邊境折回新城急向臨淄東北
逸出等語查該匪由高苑折竄臨淄計日行二
百三四十里避兵如此之速殊深憤恨當飭王

正起等軍跟蹤緊追臣於二十五日卽督隊由
壽光前進二十六七等日追至濰縣昌邑賊已
由昌邑之北于家莊渡過濰河向平度州一帶
東竄二十九日臣抵平度接王起正等稟報該
營於二十七夜閒追至該州捻逆已踞州城東
三十餘里之馬蘭堡地方王正起王心安楊飛
熊等軍會商分路進剿各有斬擒馬賊少退急

地視賊所向再定行止奏入

上命軍機大臣傳諭曾國藩李鴻章張之萬丁寶楨
曰捻匪由新城竄至平度州之馬蘭堡經丁寶楨
督軍緊追將逆衆擊敗捻斬頗多該逆向東北急
竄丁寶楨現駐平度居中調度飭前敵各軍分投
追剿惟逆股人數衆多騎賊又極剽疾恐其誘兵
東追乘閒折回膠莒南竄沂郡丁寶楨當妥籌兼

奔我軍亦卽合隊向東北緊追伏思該逆若竄東北必由萊陽棲霞招遠前奔惟賊情過狡或於敗潰後引我兵向東北追躡復乘閒折回膠州一路竄出莒州日照使我窮追無及亦未可定現飭王成謙迅帶所部先行取道萊州迎截與前敵各軍會合夾擊如賊折竄膠州一路卽行馳回爲期尙不甚遠臣暫駐軍平度適中之

地視賊所向再定行止奏入

上命軍機大臣傳諭曾國藩李鴻章張之萬丁寶楨
曰捻匪由新城竄至平度州之馬蘭堡經丁寶楨
督軍緊追將逆衆擊敗捻斬頗多該逆向東北急
竄丁寶楨現駐平度居中調度飭前敵各軍分投
追剿惟逆股人數衆多騎賊又極剽疾恐其誘兵
東追乘閒折回膠莒南竄沂郡丁寶楨當妥籌兼

顧杜賊回竄不可專事尾追所稱奪獲羸馬八百
餘匹並著設法收用毋再爲賊所得東省兵力較
單李鴻章迅飭劉銘傳等軍兼程馳赴登萊與東
省官兵會合堵剿並親赴東境就近分撥各軍杜
賊南竄以期蹙諸海隅聚而殲旃淮徐及裏下河
一帶著曾國藩張之萬分布兵勇嚴密防堵不得
以賊蹤尙遠稍涉疏懈

初五日丁亥劉長佑奏言近聞捻匪擾及青州濱

海完善之區恣其擄掠大兵踵至不冒險北犯
卽乘隙南奔進剿之兵苦無止境備防之兵亦
無已時爲今之計惟有集數省防剿之兵嚴扼
運河遏賊向竄然後以節制之師由西南節節
進逼驅之一隅該逆渡黃不能浮海不得必輾
轉就斃於青齊數郡之間擬請

飭派河南湖北江蘇安徽四省各調兵一萬餘人合
堵運河直隸一省於派防黃河萬餘人之外亦
加調兵勇數千助防運河山東本省之兵不下
數萬人除原設水師仍與直隸兵勇協防黃河
外陸路馬步各隊儘可悉數調回會同李鴻章
派出諸軍分道進剿查運河自山東至江蘇幾
及千里必須劃定地段各量兵力多寡挨次分